



Broj:
Sarajevo, 13.10.2020.godine

SVIM MEDIJIMA

SAOPĆENJE ZA JAVNOST

Javna ustanova „Služba za zapošljavanje Kantona Sarajevo“ Sarajevo u cilju punog informisanja javnosti i zainteresovanih subjekata prezentuje podatke koji mogu biti od značaja za sve zainteresovane. Ujedno, prezentuju se dole dati podaci i kao odgovor na određene upite zainteresirane javnosti, te u cilju obavještenja javnosti šta radi Javna ustanova „Služba za zapošljavanje Kantona Sarajevo“ Sarajevo odnosno koje aktivnosti trenutno realizuje, a na bazi pozitivnih zakonskih propisa koji regulišu ovu materiju.

1. Prvo želimo da upoznamo javnost sa ostvarenim rashodima u isplatama novčanih naknada u 2019. godini i trenutnim stanjem odnosno potrebama do kraja godine.

Isplaćene novčane naknade u 2019. godini-----11.472.115 KM
Planirane novčane naknade za 2020. godinu-----12.500.000 KM
Isplaćene novčane naknada u periodu 01.01.2020. godina-05.10.2020. godina-15.655.215 KM
Planirano za isplatu novčanih naknada po izmjenama Plana za 2020. godinu---22.300.000 KM

Kao što se može vidjeti iz datih podataka u 2020. godini sredstva za isplatu novčanih naknada biće povećana u odnosu na 2019. godinu za gotovo 100%. Bez obzira na ovo povećanje potrebnih sredstava za novčane naknade Javna ustanova „Služba za zapošljavanje Kantona Sarajevo“ Sarajevo nema nikakvih problema da sve ove naknade isplati u rokovima i iznosima kako je to predviđeno pozitivnim zakonskim propisima. Ostvarilo se ono što smo i predviđali i upoznavali javnost da će doći do povećanja ovih izdvajanja i stoga su u proceduru upućene Izmjene i dopune finansijskog plana Plan (rebalans Plana) kojim će planska pozicija na novčanim naknadama biti povećana za cca 10.000.000 KM.

2. Po pitanju stanja na evidenciji nezaposlenih osoba u Kantonu Sarajevo stanje je sljedeće:

Sa 18.03.2020. godine (proglašeno stanje nesreće) broj evidentiranih nezaposlenih lica pri JU“Služba za zapošljavanje Kantona Sarajevo“ Sarajevo iznosio je 58.029.

Sa 18.05.2020. god. (najveći registrovani broj nezaposlenih lica u vrijeme pandemije COVID-19) broj evidentiranih nezaposlenih lica pri Javnoj ustanovi „Služba za zapošljavanje Kantona Sarajevo“ Sarajevo iznosio je 64.230.

Sa 12.10.2020.god. (trenutno stanje) broj evidentiranih nezaposlenih lica pri Javnoj ustanovi „Služba za zapošljavanje Kantona Sarajevo“ Sarajevo iznosi 62.903.

Možemo primjetiti da je došlo do blagog pada u evidenciji nezaposlenih lica i to za cca 1.300 lica.

3. Sada ćemo prezentovati podatke koji daju kristalno jasno svjetlo sa čime je suočena naša Ustanova tj. gdje su se od početka pandemije crpili resursi i bili, uglavnom, usmjereni resursi Službe kako bi se ispunila osnovna funkcija, a to je materijalno zbrinjavanje lica koja su ostala bez posla:

U periodu od 01.01.2019. godine do 31.12.2019. godine Javna ustanova „Služba za zapošljavanje Kantona Sarajevo“ Sarajevo je izdala ukupno rješenja po osnovu ostvarivanja prava na novčanu naknadu kao i po osnovu prestanka prava na novčanu naknadu u iznosu od 12.565 rješenja.


U periodu od 01.01.2020. godine do 12.10.2020. godine Služba je izdala ukupno rješenja po osnovu ostvarivanja prava na novčanu naknadu kao i po osnovu prestanka prava na novčanu naknadu u iznosu od 17.718 rješenja.

Kao što se može vidjeti za prvih 10 mjeseci 2020. godine Javna ustanova „Služba za zapošljavanje Kantona Sarajevo“ Sarajevo je već izdala preko 5.000 rješenja više u odnosu na cijelu prošlu godinu. *Sigurno se može očekivati da će broj izdatih rješenja biti veći u odnosu na prošlu godinu za više od 70% (očekujemo preko 20.000 izdatih rješenja).* Ovdje moramo za primjetiti da je veliki broj izdatih rješenja pratilo veliko kretanje u broju lica koja se prijavljuju, a nakon toga se odjavljuju sa biroa, a što je uzrokovano potrebama poslodavaca i njihovim reakcijama na potrebe u radnoj snazi.

Svi podaci prezentovani u ovom saopćenju su zvanični i transparentno su prikazani sa evidencijama Javne ustanove „Služba za zapošljavanje Kantona Sarajevo“ Sarajevo i time se ostvaruje sljedeća funkcija Službe, a to je objavljivanje podataka onakvi kakvi jesu jer samo na osnovu istih se mogu donositi određeni zaključci jer je subjektivnost isključena.

Služba će u narednom periodu i uz saglasnost Vlade Kantona Sarajevo, a na bazi raspoloživih sredstava, pokrenuti određene programe o čemu će javnost biti pravovremeno informirana.

S poštovanjem,



V.D. DIREKTORIGA

Edina Ljubuškić

Sarajevo, Đoke Mazalića 3,
web-stranica: www.szks.ba; e-mail adresa: info@szks.ba
Tel:++387 (33) 569-100, fax: 204-177; Matični broj: 4200304610003;
Poreski broj: 01079085; Računi Intesa Sanpaolo Banka d.d. Sarajevo:
1549212010171056-depozitni račun, 1540012000135120-transakcijski račun

